

গণপ্রজাতন্ত্রী বাংলাদেশ সরকার  
তথ্য মন্ত্রণালয়  
চলচ্চিত্র অধিশাখা  
বাংলাদেশ সচিবালয়, ঢাকা  
[www.moi.gov.bd](http://www.moi.gov.bd)

নং-১৫.০০.০০০০.০২৭.৩১.০৬০.১৬.৫৬২


তারিখঃ ২১ ভাদ্র ১৪২৩  
০৫ সেপ্টেম্বর ২০১৬

### সংশোধিত বিজ্ঞপ্তি

বিষয়: ২০১৬-১৭ অর্থ বছরে সরকারি অনুদানে স্বল্পদৈর্ঘ্য চলচ্চিত্র নির্মাণের লক্ষ্যে প্রস্তাব আহ্বানের তারিখ বর্ধিতকরণ প্রসঙ্গে।

সূত্র: তথ্য মন্ত্রণালয়ের স্মারক নং-১৫.০০.০০০০.০২৭.৩১.০৬০.১৬-৪০২, তারিখ: ০৩ আগস্ট ২০১৬।

২০১৬-২০১৭ অর্থ বছরে সরকারি অনুদানে চলচ্চিত্র নির্মাণের লক্ষ্যে ১৪ সেপ্টেম্বর ২০১৬ তারিখের মধ্যে কাহিনি ও চিত্রনাট্য বাছাইয়ের জন্য পূর্ণাঙ্গ প্যাকেজ প্রস্তাব আহ্বান করে দৈনিক ইত্তেফাক ০৭.০৮.২০১৬, The Daily Star ০৭.০৮.২০১৬ ও দৈনিক সমকাল পত্রিকায় ০৫.০৮.২০১৬ তারিখে বিজ্ঞপ্তি প্রকাশ করা হয়। উক্ত পত্রিকাগুলোতে প্রকাশিত বিজ্ঞপ্তির অন্যান্য শর্তাবলী অপরিবর্তিত রেখে অনুদানে নির্মিত চলচ্চিত্রের কাহিনি ও চিত্রনাট্যসহ পূর্ণাঙ্গ প্যাকেজ প্রস্তাব প্রেরণের সময়সীমা আগামী ১৬ অক্টোবর ২০১৬ তারিখ বিকাল ৪.০০টা পর্যন্ত বর্ধিত করা হলো। পূর্ণাঙ্গ বিজ্ঞপ্তিটি তথ্য মন্ত্রণালয়ের [www.moi.gov.bd](http://www.moi.gov.bd) ওয়েব সাইটে পাওয়া যাবে।

  
( জি. এন. নজমুল হোসেন খান )  
উপ-সচিব(চলচ্চিত্র)  
ফোন- ৯৫৪০৪৬৩

গণপ্রজাতন্ত্রী বাংলাদেশ সরকার  
তথ্য মন্ত্রণালয়  
চলচ্চিত্র অধিশাখা  
বাংলাদেশ সচিবালয়, ঢাকা  
([www.moi.gov.bd](http://www.moi.gov.bd))

নং-১৫.০০.০০০০.০২৭.৩১.০৬০.১৬.৪০২/০৩(০২)

তারিখঃ ১৯ শ্রাবণ ১৪২৩  
০৩ আগস্ট ২০১৬

**বিষয়ঃ সরকারি অনুদানে স্বল্পদৈর্ঘ্য চলচ্চিত্র নির্মাণের জন্য প্রস্তাব আহবানের বিজ্ঞপ্তি প্রকাশ প্রসঙ্গে।**

উপর্যুক্ত বিষয়ের প্রতি দৃষ্টি আকর্ষণ করা হলো। শিল্পমান সমৃদ্ধ স্বল্পদৈর্ঘ্য চলচ্চিত্র নির্মাণের জন্য ২০১৬-২০১৭ অর্থ বছরে সরকারি অনুদান প্রদানের উদ্দেশ্যে কাহিনী ও চিত্রনাট্য বাছাইয়ের জন্য বাংলাদেশী প্রযোজক/পরিচালক/চলচ্চিত্র নির্মাতা/চলচ্চিত্র ব্যক্তিত্ব/সংশ্লিষ্ট বিষয়ে পেশাদার প্রতিষ্ঠান/লেখক/চিত্রনাট্যকারদের নিকট থেকে গল্পের মূল কাহিনীসহ চিত্রনাট্য, চলচ্চিত্র নির্মাণের সার্বিক পরিকল্পনা এবং শিল্পী ও কলা-কুশলীদের তালিকাসহ পূর্ণাঙ্গ প্যাকেজ প্রস্তাব আহবানের বিজ্ঞপ্তি আপনার পত্রিকায় ০১ (এক) বার প্রকাশের ব্যবস্থা নিয়ে প্রকাশিত ০৩(তিন) কপি পত্রিকা এবং ০৩ (তিন) কপি বিল মন্ত্রণালয়ে প্রেরণের জন্য নির্দেশক্রমে অনুরোধ করা হলো।

**সংযুক্তঃ বিজ্ঞপ্তি।**

  
(জি. এন. নজমুল হোসেন খান)  
উপসচিব  
ফোন- ৯৫৪০৪৬৩  
E-mail: [sas.flm@moi.gov.bd](mailto:sas.flm@moi.gov.bd)

**বিতরণঃ**

- ১। বিজ্ঞাপন ম্যানেজার, দৈনিক ইত্তেফাক, ৪০, কারওয়ান বাজার, ঢাকা।
- ২। বিজ্ঞাপন ম্যানেজার, দৈনিক সমকাল, ১৩৬, তেজগাঁও শিল্প এলাকা, ঢাকা।
- ৩। বিজ্ঞাপন ম্যানেজার, দি ডেইলী স্টার, ৬৪/৬৫, কাজী নজরুল ইসলাম এভিনিউ, ঢাকা-১২১২।

**অনুলিপি:**

- ১। ✓ প্রধান তথ্য কর্মকর্তা, তথ্য অধিদপ্তর, বাংলাদেশ সচিবালয়, ঢাকা (যথাযথভাবে পত্রিকায় প্রচার ও প্রকাশের অনুরোধসহ) সিস্টেম এনালিস্ট, তথ্য মন্ত্রণালয়, ঢাকা (বিজ্ঞপ্তিটি ওয়েব সাইটে প্রকাশের অনুরোধসহ)।

গণপ্রজাতন্ত্রী বাংলাদেশ সরকার  
তথ্য মন্ত্রণালয়  
চলচ্চিত্র অধিশাখা  
বাংলাদেশ সচিবালয়, ঢাকা  
[www.moi.gov.bd](http://www.moi.gov.bd)

নং-১৫.০০.০০০০.০২৭.৩১.০৬০.১৬.৪০১

তারিখঃ ১৯ শ্রাবণ ১৪২৩  
০৩ আগস্ট ২০১৬**বিজ্ঞপ্তি****বিষয়: ২০১৬-২০১৭ অর্থ বছরে সরকারি অনুদানে স্বল্পদৈর্ঘ্য চলচ্চিত্র নির্মাণের জন্য প্রস্তাব আহবান।**

চলচ্চিত্র শিল্পে মেধা ও সৃজনশীলতাকে উৎসাহিত করা এবং বাংলাদেশের আবহমান সংস্কৃতি সমৃদ্ধ রাখার লক্ষ্যে স্বাধীনতা ও মুক্তিযুদ্ধের চেতনা এবং মানবীয় মূল্যবোধসম্পন্ন জীবনমুখী, বুদ্ধিশীল ও শিল্পমানসমৃদ্ধ স্বল্পদৈর্ঘ্য চলচ্চিত্র নির্মাণের জন্য ২০১৬-২০১৭ অর্থবছরে সরকারি অনুদান প্রদানের উদ্দেশ্যে কাহিনী ও চিত্রনাট্য বাছাইয়ের জন্য প্রস্তাবক/প্রযোজক/পরিচালক/চলচ্চিত্র নির্মাতা/চলচ্চিত্র ব্যক্তিত্ব/সংশ্লিষ্ট বিষয়ে পেশাদার প্রতিষ্ঠান/লেখক/চিত্রনাট্যকারদের নিকট থেকে পূর্ণাঙ্গ প্যাকেজ (১২ সেট) প্রস্তাব আহবান করা যাচ্ছে।

**শর্তাবলি ও সুযোগ সুবিধা:**

১. অনুদানপ্রাপ্ত স্বল্পদৈর্ঘ্য চলচ্চিত্র অনুদানের প্রথম চেক প্রাপ্তির ০৬ (ছয়) মাসের মধ্যে সমাপ্ত করতে হবে। তবে স্ক্রিপ্টের প্রয়োজনে/অনিবার্য কারণে/বিশেষ বিবেচনায় এ সময় বৃদ্ধি করা যাবে।
২. কেবলমাত্র বাংলাদেশের নাগরিক অনুদান প্রাপ্তির জন্য যোগ্য বিবেচিত হবেন। অনুদানপ্রাপ্ত চলচ্চিত্রের সকল শিল্পী/কলাকুশলীকে বাংলাদেশের নাগরিক হতে হবে। তবে বিশেষ ভূমিকায় অংশগ্রহণের জন্য যদি কোনো বিদেশী শিল্পী/কলাকুশলীর প্রয়োজন হয় তাহলে মন্ত্রণালয়ের বিশেষ অনুমতিক্রমে উক্ত শিল্পী/কলাকুশলী চলচ্চিত্রে অংশগ্রহণ করতে পারবেন।
৩. নির্মাণাধীন, সমাপ্ত বা মুক্তিপ্রাপ্ত কোনো চলচ্চিত্রের চিত্রনাট্য অনুদানের জন্য বিবেচিত হবে না।
৪. অনুদানে নির্মিত/নির্মিতব্য চলচ্চিত্র মৌলিক নয় বলে প্রমাণিত হলে এবং চুক্তিনামার শর্তাবলী বরখেলাপ করলে প্রযোজক অনুদান হিসেবে গৃহীত সমুদয় অর্থ ও সেবার মূল্য রাষ্ট্রীয় কোষাগারে প্রচলিত সুদসহ ফেরৎ দিতে বাধ্য থাকবেন মর্মে ৩০০/- (তিনশত) টাকার স্ট্যাম্পে অঙ্গীকারপত্র (মূলকপিসহ ১২সেট ফটোকপি) আবেদনপত্রের সঙ্গে দিতে হবে। শর্ত খেলাপকারী সংশ্লিষ্ট প্রযোজকের বিরুদ্ধে সরকার আইনানুগ ব্যবস্থা গ্রহণ করতে পারবে।
৫. প্রতি অর্থবছরে স্বল্পদৈর্ঘ্য প্রামাণ্যচিত্রসহ সর্বোচ্চ ৫ (পাঁচ)টি স্বল্পদৈর্ঘ্য চলচ্চিত্র নির্মাণের জন্য অনুদান প্রদান করা হবে। তন্মধ্যে কমপক্ষে ১ (এক)টি হবে শিশুতোষ স্বল্পদৈর্ঘ্য চলচ্চিত্র। তবে উপযুক্ত প্রস্তাব না পাওয়া গেলে অনুদান প্রদান বন্ধ অথবা অনুদান প্রদানের সংখ্যা কমানো যাবে। অনুদানের অর্থ নির্বাচিত চলচ্চিত্রের প্রযোজককে প্রদান করা হবে।
৬. অনুদান প্রদানের পরেও সরকার যে কোনো যুক্তিসঙ্গত শর্ত আরোপ করতে পারবে।
৭. অনুদান প্রাপ্তির জন্য নির্বাচিত এবং অনুমোদিত চলচ্চিত্রের প্রযোজককে অনুদান নিয়মাবলীর (মন্ত্রণালয়ের ওয়েবসাইটে প্রদর্শিত) শর্তাবলির আওতায় অনুদান প্রদান করা হবে। এ ক্ষেত্রে অনুদান কমিটির সিদ্ধান্ত চূড়ান্ত বলে গণ্য হবে।
৮. অনুদান প্রাপ্তির লক্ষ্যে গল্প, চিত্রনাট্য ও চলচ্চিত্র নির্মাণের সার্বিক পরিকল্পনাসহ পূর্ণাঙ্গ প্যাকেজ প্রস্তাবের প্রতিটির ১২ (বারো) কপি করে জমা দিতে হবে। প্রস্তাবের সাথে নিম্নবর্ণিত তথ্যাদি/কাগজপত্রাদি দাখিল/উল্লেখ করতে হবে:
  - (ক) অনুদান প্রাপ্ত চলচ্চিত্র মৌলিক নয় বলে প্রমাণিত হলে এবং চুক্তিনামার শর্তাবলী বরখেলাপ করলে অনুদান হিসেবে গৃহীত সমুদয় অর্থ ও সেবার মূল্য রাষ্ট্রীয় কোষাগারে প্রচলিত সুদসহ ফেরৎ দিতে বাধ্য থাকবে- মর্মে ৩০০/- (তিনশত) টাকার স্ট্যাম্পে অঙ্গীকারনামা;
  - (খ) প্রস্তাবিত গল্প ও চিত্রনাট্য শিশুতোষ, সাধারণ শাখা না-কি প্রামাণ্যচিত্র তা আবেদনে স্পষ্টভাবে উল্লেখ করতে হবে;
  - (গ) গল্প লেখক/কাহিনিকারের সম্মতিপত্র সংযুক্ত করতে হবে; (ঘ) প্রযোজকের নাম, মোবাইল নম্বরসহ জীবন-বৃত্তান্ত (পিতা-মাতার নাম, স্থায়ী ঠিকানা ও বর্তমান ঠিকানাসহ) সুস্পষ্টভাবে অবশ্যই উল্লেখ করতে হবে। বর্তমান ও স্থায়ী ঠিকানার পরিবর্তন হলে তা তাৎক্ষণিকভাবে জানাতে হবে;
  - (ঙ) প্রযোজকের ব্যাংক প্রত্যয়নপত্র, জাতীয় পরিচয়পত্র এবং চলচ্চিত্র বিষয়ক প্রতিনিধিত্বকারী সংগঠনের প্রত্যয়নপত্র দাখিল করতে হবে;
  - (চ) প্রস্তাবক, প্রযোজক, পরিচালক, চিত্রনাট্যকারের স্পষ্টাক্ষরে পূর্ণ নাম, স্থায়ী ও বর্তমান ঠিকানা, শিক্ষাগত যোগ্যতা, প্রশিক্ষণ ও সংশ্লিষ্ট অভিজ্ঞতার বর্ণনা সম্বলিত জীবন-বৃত্তান্ত, মোবাইল নম্বর, টেলিফোন নম্বর, টিআইএন নম্বর অবশ্যই প্রস্তাবের সাথে দাখিল করতে হবে;
  - (ছ) পূর্ণাঙ্গ প্যাকেজ প্রস্তাবের সাথে চলচ্চিত্রের প্রস্তাবিত শিল্পী ও কলাকুশলীদের নাম, ঠিকানা, তাদের শিক্ষাগতযোগ্যতা ও সংশ্লিষ্ট অভিজ্ঞতার বর্ণনা, নির্মাণ সংস্থার কারিগরি, আর্থিক ও অবকাঠামোগত সক্ষমতার বিবরণ, আউটডোর শিউং স্পটের বিবরণ, পরিচালক নির্মিত একটি চলচ্চিত্রের নমুনা ও নির্মিতব্য চলচ্চিত্রের যথার্থ বাজেট বিভাজন দাখিল করতে হবে; এবং (জ) প্রস্তাবিত চলচ্চিত্রের কাহিনি সংক্ষেপে দাখিল করতে হবে।
৯. নির্মিতব্য চলচ্চিত্রের প্রক্ষেপণ সময় (স্থিতি) ৩৫-৫৫ মিনিট হতে হবে।
১০. নির্মিতব্য চলচ্চিত্র ডিজিটাল ফরমেটে ন্যূনত (2K Resolution-এ) অথবা ৩৫ মি:মি: ফরমেটে নির্মাণ করা যাবে।
১১. কপিরাইট আইন এর আওতায় প্রস্তাবিত গল্পের লেখক/সংস্থা/প্রকাশকের অনুমতি নিতে হবে এবং সংশ্লিষ্ট কাগজপত্র দাখিল করতে হবে।
১২. একই প্রযোজক/পরিচালককে দুইবারের বেশি অনুদান প্রদান করা হবে না।
১৩. কোনো প্রযোজক পর পর ০২ (দুই) বছর অনুদান পাওয়ার যোগ্য হবেন না।
১৪. নির্বাচিত চলচ্চিত্রের ক্ষেত্রে ১ম কিস্তির অর্থ গ্রহণের পূর্বে চলচ্চিত্রে অভিনয়/কাজ করার জন্য প্রস্তাবিত শিল্পী ও কলাকুশলীদের চুক্তিপত্রের কপি এবং শিউং সিডিউল, স্টোরি লাইন আপসহ চূড়ান্ত পাণ্ডুলিপি, লোকেশন ও সেট অনুযায়ী পূর্ণ শিউং পরিকল্পনা, নির্মাণ সমাপ্তির শেষ তারিখ উল্লেখ করে দাখিল করতে হবে।
১৫. স্বল্পদৈর্ঘ্য চলচ্চিত্র নির্মাণের অনুদান প্রাপ্তির লক্ষ্যে গল্প, চিত্রনাট্য এবং চলচ্চিত্র নির্মাণের সার্বিক পরিকল্পনাসহ পূর্ণাঙ্গ প্যাকেজ প্রস্তাব ১৪ সেপ্টেম্বর ২০১৬ তারিখ বেলা ৪.০০ ঘটিকার মধ্যে তথ্য মন্ত্রণালয়ের চলচ্চিত্র শাখায় পৌঁছাতে হবে। উক্ত তারিখ ও সময়ের পরে প্রাপ্ত কোন প্রস্তাব/দস্তখত গ্রহণ করা হবে না।
১৬. আলোচ্য সকল বিষয়ে কর্তৃপক্ষের সিদ্ধান্তই চূড়ান্ত হিসেবে গণ্য হবে।

(জি. এন. নজমুল হোসেন খান)

উপসচিব

ফোন- ৯৫৪০৪৬৩

E-mail: [sas.flm@moi.gov.bd](mailto:sas.flm@moi.gov.bd)